

Njemačka inicijativa za pronalaženje dobavljača

Sarajevo, 14.04.2017.

Poštovani,

nakon Münchena (2015.) i Dortmunda (2016.), ovogodišnja konferencija "**Njemačka inicijativa za pronalaženje dobavljača u zemljama Zapadnog Balkana**" po prvi put će se održati izvan Njemačke. Konferencija ove sourcing-inicijative za Zapadni Balkan - projekta njemačkog Udruženja za upravljanje materijalima, nabavu i logistiku (BME), njemačkog Saveznog ministarstva za privredu i energiju (BMWi) te njemačkih Vanjskotrgovinskih komora (AHK) održat će se **31. maja u Beogradu**.

Cilj projekta je da se u okviru jednodnevnog događaja odabrane kompanije iz Bosne i Hercegovine i zemalja Zapadnog Balkana sastanu sa njemačkim firmama koje su zainteresovane za uspostavljanje poslovnih kontakata sa proizvođačima iz ove regije, tj. njihovim novim potencijalnim dobavljačima roba i usluga iz traženih djelatnosti poslovanja. Zainteresovane njemačke firme dolaze pretežno iz **metaloprerađivačkog sektora, dobavljačkog sektora za autoindustriju, sektora prerade i proizvodnje materijala od plastike**, kao i manji broj firmi iz **elektro i elektronskog sektora**.

Koncept projekta se bazira na B2B-matchmaking platformi:

- Četrdeset osam (48) profila zainteresovanih njemačkih kompanija se nalazi u prilogu dopisa, sa opisima djelatnosti kompanija i konkretnim proizvodnim zahtjevima koji su upućeni firmama u zemljama Zapadnog Balkana. U profilima njemačkih kompanija se navodi šta sve firma, tj. proizvođač iz regiona treba da ima u svom proizvodnom portfoliju kako bi se kvalifikovao za potencijalnu saradnju.
- Svoju zainteresovanost za učešće u projektu ostvarujete kroz popunjavanje prijavnog formulara koji se takođe nalazi u prilogu ovog dopisa.
- Dostavljene aplikacije se šalju njemačkim kompanijama na uvid koje kroz sistem ocjenjivanja biraju firme s kojima žele da održe sastanak na događaju u Beogradu ove godine.

Ukoliko ste se prepoznali kao potencijalni dobavljač neke od njemačkih kompanija, pozivamo vas da popunite prijavni formular i pošaljete ga na e-mail: sanjin.purgic@ahk.ba **najkasnije do 25.4.2017.g.**

Važne napomene:

- Prijavni formular se popunjava na engleskom jeziku. Molim vas da se popunjavaju samo predviđena polja za odgovore u koloni B.
- Službeni jezik na B2B događaju je engleski, tj. B2B sastanci će se odvijati na engleskom jeziku (opcionally njemački jezik).
- Broj mjesta na B2B događaju je ograničen, o konačnom odabiru za učešće na B2B susretu 31.5.2017. u Beogradu odlučuju njemačke kompanije.
- Kotizacija za učešće na ovom događaju se ne naplaćuje.

Nadamo se da smo vas zainteresovali za ovu inicijativu unapređenja privrede te da ćete se odazvati ovom pozivu da direktno razgovarate sa njemačkim firmama koje traže poslovne partnere iz BiH.

Lijep pozdrav,

Sanjin Purić
Poslovne usluge / Sekretar Wirtschaftsverein BiH